

SARS YI SUSA MABOKISI YO CHELA NA TIFOMO TIN'WANA TO KANDZIYISIWA

PRETORIA, 29 Khotavuxika 2018 – Vukorhokeri bya Xibalo bya Afrika-Dzonga (SARS) byi ta susa mabokisi yo chela yo rhumela mitlheriso ya xibalo xa mali leyi ngenaka na tidokhumente tin'wana ta maphepha, eka pfhumba ra byona ro hlohlotela vahakelaxibalo ku tirhisa eFiling eka tithiransakixini hinkwato laha swi kotekaka.

Ku sukela hi ti1 Mawuwani 2018, SARS yi nge he nyiki tifomo tin'wana to kandziyisiwa emarhavini ya yona, ku katsa na tifomo leti tirhisiwaka ku titsarisela tanihi muhakelaxibalo (IT77C eka tikhamphani na IT77TR eka tithirasiti), tanihi n'waswimawusa wa VAT (VAT101), tanihi muthori (EMP101), ku katsa na tifomo leti tirhisiwaka ku endla xikombelo xa swileriso swa xibalo (IRP3(a), (b), (c) na (d)).

Tithiransakixini leti, kun'we na ku fayiliwa ka mitlheriso ya xibalo xa mali leyi ngenaka, tihakelo na ku ngenisiwa ka tidokhumente to seketela, hinkwaswo swi nga endliwa hi ndLela ya xitironiki eka eFiling hi nseketelo wa *Help-You-eFile* na contact centre loko muhakelaxibalo a phaseka.

SARS yi engeterile mpimo wa tifayili lowu lavekaka ku sukela eka 2 *megabytes* ku fikela eka 5 *megabytes* enkarhini wa nguva ya xibalo.

Engetelo eka tithiransakixini ta xidijiti wu vula nhlayiso lowukulu eka tihakelo ta maphepha, ku kandziyisa no rhumela eka SARS na muhakelaxibalo havambirhi. Leswi swi ta tlhela swi hunguta ntlimbano emarhavini – xin'we xa swikongomelo swa SARS eka Nguva ya Xibalo ya 2018.

Endlelo ra xidijiti no pfumala maphepha swi sunguriwile ku tlula malembe-khume lawa ya nga hundza loko sisiteme ya eFiling leyi tirhisaka inthanete yi endliwa yi kumeka eka rhumelo wa xitironiki wa mitlheriso ya xibalo xa mali leyi ngenaka ya vanhu hi voxe. Mabokisi yo chela, hambiswiritano, ya nyikile engetelo eka tichanele ta rhavi na xitironiki eka vahakelaxibalo lava a va hlawula ku rhumela mitlheriso na tidokhumente ta vona hi voko.

SARS yi ta tiyisisa leswaku vahakelaxibalo lava cincelaka eka eFiling va seketeriwa.

Vahakelaxibalo va ha ta kota ku endzela rhavi ra SARS loko va lava ntokoto wo pfunetiwa ku fayila. Hambiswiritano, va hlohloteriwa ku rhuhela eka rhumelo wa xitironiki.

Tidokhumente ta maphepha ta ntiyiso ti ta tlheriseriwa eka muhakelaxibalo leswaku ti hlayisiwa.

SARS yi hlohlotela vahakelaxibalo ku tirhisa eFiling (www.sarsefiling.co.za), leyi ku nga ndlela ya xihatla ya tithiransakixini to tala eka SARS, naswona ya kumeka eka tiawara ta 24. Ku tlhela ku va na tiimeyili adirese leti nga kona eka webusayiti ya SARS leswaku vahakelaxibalo va kota ku burisana na SARS, ku katsa na Contact Centre ya SARS (0800 00 7277).

Swivutiso, tihlanganise na sarsmedia@sars.gov.za kumbe Janine Mqulwana eka 082 643 1609.